

# NEWS LETTER

# 2015

[www.fipa.gov.ba](http://www.fipa.gov.ba)

**Posjete firmi TV  
Varnost Elektronika  
d.o.o. Visoko**



**Prezentacija nacрта UNCTAD-ovog dokumenta  
“Analiza pravnog i institucionalnog okvira za  
investiranje u Bosni i Hercegovini”**

**Predsjedništvo BiH pokrovitelj Sarajevo Business Foruma  
2015**



# NEWSLETTER BR. 8

MART 2015

## SADRŽAJ

### FIPA AKTIVNOSTI ≡

- » Posjeta privrednicima u Tuzli i Lukavcu
- » Prezentacija Agencije FIPA za predstavnike Privredne komore Aydin iz Turske
- » Direktorica Agencija FIPA primila predsjednika Asocijacije uvoznika Republike Koreje
- » Sastanak sa predstavnikom firme General Trading Concept doo Sarajevo
- » Posjeta firmi VITA-LIFE d.o.o. Visoko
- » Posjeta firmi Atiker d.o.o. Živinice
- » Posjeta firmi Yavuz d.o.o. Živinice
- » Posjete firmi TV Varnost Elektronika d.o.o. Visoko
- » Posjeta firmi Metal Construction & Engineering d.o.o. Usora
- » Prezentacija nacrtu UNCTAD-ovog dokumenta "Analiza pravnog i institucionalnog okvira za investiranje u Bosni i Hercegovini"

### POSLOVNE VIJESTI ≡

- » Prevent grupacija preuzela Cimos u Srebrenici
- » Predsjedništvo BiH pokrovitelj Sarajevo Business Forum 2015
- » Investicioni samit Centralna i Jugoistočna Europa 2015



## INFORMACIJA ZA STRANE INVESTITORE U BIH: IZBOR NAJZNAČAJNIJEG INVESTITORA 2014

Agencija FIPA već dugi niz godina organizira manifestaciju pod nazivom „Izbor stranog investitora u BiH“ sa ciljem pružanja podrške i odavanja priznanja stranim preduzećima čija su ulaganja bila najznačajnija u prethodnoj godini. „Izbor stranog investitora BiH“ je događaj u okviru kojeg se predstavljaju najuspješnija strana preduzeća koja posluju u našoj zemlji i koja na taj način doprinose pozitivnoj percepciji Bosne i Hercegovine u poslovnom svijetu. Stoga Vas ovom prilikom pozivamo da se prijavite za jednu od kategorija za koju se svake godine dodjeljuju priznanja, a to su:

1. Najznačajnija „greenfield“ investicija
2. Najznačajnija investicija putem privatizacije/akvizicije
3. Najznačajnija investicija putem zajedničkog ulaganja
4. Investicija zahvaljujući kojoj je otvoreno najviše radnih mjesta

Takođe, želimo napomenuti da se možete prijaviti u više kategorija (npr. najznačajnija „greenfield“ investicija i investicija zahvaljujući kojoj je otvoreno najviše radnih mjesta)

Potrebno je donji formular ispuniti i dostaviti do 10.04.2015. godine na e-mail : [fipa@fipa.gov.ba](mailto:fipa@fipa.gov.ba) ili na fax broj 033 278 081. Za sva dodatna pojašnjenja ili informacije, molimo Vas da kontaktirate Gordanu Radović na broj telefona 033 278 080. Formular dostupan na donjem linku:

<http://www.fipa.gov.ba/ufokusu/default.aspx?id=6931&langTag=bs-BA>

# FIPA AKTIVNOSTI ≡



PREZENTACIJA AGENCIJE FIPA ZA PREDSTAVNIKE PRIVREDNE KOMORE AYDIN IZ  
TURSKE



POSJETA FIRMI VITA-LIFE D.O.O. VISOKO



...I JOŠ FIPA AKTIVNOSTI...



## POSJETA PRIVREDNICIMA U TUZLI I LUKAVCU



Predstavnici Agencije FIPA, USAID-SIDA GOLD projekta i Općine Tuzla posjetili su kompanije Traktionssysteme doo, investicija iz Austrije, i firmu Remont i servis motornih vozila dd Tuzla, investicija iz Australije.

Tokom sastanka razgovarano je o postignućima firmi kao i o poteškoćama i okolnostima sa kojima se privrednici suočavaju. Na sastanku je naglašeno da je potrebno osigurati uvjete kako bi ove firme mogle nastaviti svoje poslovanje sa uspjehom, dalje širiti aktivnosti i povećati broj zaposlenih.

Osim toga, predstavnici Agencije FIPA, USAID-SIDA GOLD projekta i Općine Lukavac su također posjetili i kompaniju Intal BiH doo u Lukavac.

Ova kompanija posluje uspješno prevazilazeći veliki broj prepreka koje obilježavaju BiH poslovni ambijent, ali za dalje širanje i zapošljavanje novih radnika, potrebno je da nadležni organi vlasti prepoznaju važnost ovakvih integratora privrede i podrže ih kroz jednostavniju administraciju i dodjelu adekvatnih subvencija.



## PREZENTACIJA AGENCIJE FIPA ZA PREDSTAVNIKE PRIVREDNE KOMORE AYDIN IZ TURSKE



Općina Srebrenik u saradnji sa Fondacijom BIGMEV iz Sarajeva i Privrednom komorom iz Aydina u Turskoj je organizirala u Srebreniku 4. marta 2015. godine poslovne susrete za privrednike iz oblasti Aydin i privrednike sa područja ove Općine. Predstavnik FIPA-e Nina Pobrić je tom prilikom održala prezentaciju o investicijskim potencijalima i komparativnim prednostima Bosne i Hercegovine za strane investitore.

Cilj ovih poslovnih susreta je uspostavljanje i osnaživanje postojeće privredne saradnje između Bosne i Hercegovine i Turske. Delegaciji turskih privrednika predstavljene su privredne, turističke i druge komparativne prednosti investiranja na području Općine Srebrenik.

Član Upravnog odbora Privredne komore Aydin-a g. Ufuk Huseyin Devrim je istakao da na području Općine Srebrenik već duže vrijeme egzistira značajan broj preduzeća koja su u vlasništvu turskih državljana, te su privrednici i predstavnici Privredne komore grada Aydin prepoznali Srebrenik kao veoma povoljno poslovno područje za investiranje i pokretanje biznisa.

Cilj ove posjete je da postojeće veze između Turske i BiH pretoči u ekonomske i profitabilne veze. Privredna komora Aydin broji preko 8000 privrednih društava.

Turska delegacija je posjetila privredna društva na području Srebrenika, a nakon toga su upriličeni B2B sastanci na kojima su privrednici imali mogućnost da u direktnim razgovorima razmijene iskustva poslovanja u svojim zemljama.



## DIREKTORICA AGENCIJA FIPA PRIMILA PREDSEDNIKA ASOCIJACIJE UVOZNIKA REPUBLIKE KOREJE



6. marta 2015. Godine u sarajevu, direktorica Agencija FIPA Jelica Grujić sa suradnicima održala je sastanak sa g. Taeyoung Thomas Shinnom, predsjednikom Asocijacije uvoznika Republike Koreje i vlasnikom kompanije Hanshinn Internacional, i Sung-hoon Kangom, direktorom Hanshinn Internacional.

Predstavnici FIPA-e upoznali su prisutne o mogućnostima ulaganja u BiH, sektorima koji bi mogli biti interesantni investitorima iz Republike Koreje, mogućnostima trgovine itd.

Sastanku je prisustvovao Enes Ališković, direktor Agencije za promociju izvoza BiH, koji je goste upoznao sa mogućnostima vanjsko-trgovinske razmjene.



## SASTANAK SA PREDSTAVNIKOM FIRME GENERAL TRADING CONCEPT DOO SARAJEVO



Predstavnice Agencije FIPA posjetile su 3. marta 2015. godine kompaniju General Trading Concept doo Sarajevo, investicija iz Ujedinjenih Arapskih Emirata.

Tokom sastanka razgovarano je o postignućima proizvodnje njihovih ispostava u Konjicu i Kiseljaku, kao i o svim poteškoćama sa kojima su se susretali do sada.

Važan napredak koji je BiH napravila za ovakave investitore jeste uvođenje bezvignog režim za građane UAE do devedeset dana godišnje, ali procedure još uvijek nisu pojednostavljene kao u susjednim zemljama. Također, kompanija se susreće sa nedostatkom sirovine za rad, te su tražili i u tom pogledu podršku od predstavnika FIPA-e. Planovi menadžmenta kompanije su vezani za dalje širanje, te dolazak i drugih investitora iz bogatih zemalja azijskog kontinenta. Međutim, ono što se dodatno mora poboljšati u BiH jeste zakonski okvir kroz preciznije definiranje kriterija za sve oblasti, te dobrodošlica za investitore, kao u susjednim državama.





## POSJETA FIRMI VITA-LIFE D.O.O. VISOKO



Predstavnici Agencije FIPA, zajedno sa predstavnicima Općine Visoko gđom. Dženitom Begić i g. Mugdimom Čosovićem, obavili su Aftercare posjetu firmi VITA-LIFE d.o.o. Visoko gdje su razgovarali sa direktorom g. Avdom Kljakom i menadžerom za marketing i prodaju g. Malikom Čabaravdićem.

VITA LIFE d.o.o. Visoko se bavi proizvodnjom instant napitaka i kafe, a registrirana je 2006. godine u BiH kao strana investicija kroz zajedničko ulaganje sa američkim partnerom. Broji ukupno 22 zaposlena i zadovoljni su poslovnim okruženjem u BiH.

U odnosu na ostale tranzicijske zemlje, Bosnu i Hercegovinu smatraju konkurentnom destinacijom za ulaganja, s obzirom da postoji kvalitetna, obrazovana i kreativna radna snaga.

U posljednje četiri godine uspješno su realizirali značajne investicije u infrastrukturu uz stalan rast proizvodnje na godišnjem nivou od 50%, a u narednom periodu planiraju i nove projekte.

Firma posjeduje kvalitetnu infrastrukturu i kadrove za realizaciju novih projekata u proizvodnji i preradi prehrambenih proizvoda i spremni su na saradnju sa partnerima koji imaju dobre pozicije i pristup tržištu za plasman prehrambenih proizvoda.

Sastanak je održan u okviru Programa postinvesticione podrške stranim investitorima u BiH.



## POSJETA FIRMI ATIKER D.O.O. ŽIVINICE



Predstavnici Agencije FIPA, zajedno sa predstavnicima Općine Živinice, Tuzlanskog kantona gđom. Ernom Sulejmanović i USAID-Sida GOLD Project-a g. Jasminom Adilovićem obavili su Aftercare posjetu firmi Atiker d.o.o. Živinice gdje su razgovarali sa direktorom Refikom Nišićem.

Atiker d.o.o. Živinice je turska investicija. Firma se bavi proizvodnjom, prodajom i servisiranjem plinskih instalacija za putnička i teretna vozila. U Bosni i Hercegovini su registrirani od 2013. godine i kao relativno mlada kompanija zadovoljni su poslovanjem u BiH.

Broje ukupno 13 zaposlenih. U okviru dva nova projekta predviđena u narednom periodu, planiraju nove investicije i nova zapošljavanja. Glavno tržište za njihove proizvode je bh. tržište, a dio koji izvoze ide uglavnom u Hrvatsku i Sloveniju.

Sastanak je održan u okviru Programa postinvesticione podrške stranim investitorima u BiH.



## POSJETA FIRMI YAVUZ D.O.O. ŽIVINICE



Predstavnici Agencije FIPA, zajedno sa predstavnicima Općine Živinice, Tuzlanskog kantona gđom. Ernom Sulejmanović i predstavnikom USAID-Sida GOLD Project-a g. Jasminom Adilovićem obavili su Aftercare posjetu firmi Yavuz d.o.o. Živinice gdje su razgovarali sa direktorom Mustafom Yavuzom.

Yavuz d.o.o. Živinice je turska investicija koja se bavi proizvodnjom PVC stolarije. Registrirani su od 2005. godine. Firma u Živinicama zapošljava 80 radnika, od kojih su dva strana državljana.

Vrlo su zadovoljni sposobnom i kvalifikovanom radnom snagom u BiH, a glavna izvozna tržišta su im Srbija i Italija. Sirovine sa kojima rade, nabavljaju uglavnom u BiH. Pored Živinica, posluju u Srebreniku, a uskoro i u Brčkom.

Sastanak je održan u okviru Programa postinvesticione podrške stranim investitorima u BiH.



## POSJETE FIRMI TV VARNOST ELEKTRONIKA D.O.O. VISOKO



Predstavnici Agencije FIPA, zajedno sa predstavnicima Općine Visoko gđom.      enitom Begić i gđinom. Mugdimom Čosovićem, obavili su Aftercare posjetu firmi TV Varnost Elektronika d.o.o. Visoko gdje su razgovarali sa direktorima Hamdom Handžićem i Kenanom Handžićem.

TV Varnost Elektronika d.o.o. Visoko je kompanija koja se bavi trgovinom rudarskom opremom. Kao strana investicija kroz zajedničko ulaganje sa slovenačkim partnerom u Bosni i Hercegovini je registrirana 2002. godine. Broje ukupno 6 zaposlenih i zadovoljni su poslovnim okruženjem.

90% svog prometa ostvaruju preko rudnika i Elektroprivrede BiH. U narednom periodu planiraju i otvaranje servisa za servisiranje mašina i opreme neophodne za obavljanje svoje djelatnosti.

Bosnu i Hercegovinu ocjenjuju kao povoljnu investicionu lokaciju.

Sastanak je održan u okviru Programa postinvesticione podrške stranim investitorima u BiH.



## POSJETA FIRMI METAL CONSTRUCTION & ENGINEERING D.O.O. USORA



Predstavnici Agencije FIPA, zajedno sa predstavnicima Općine Usora g. Ilijom Nikićem i g. Antom Bonićem su 19. marta 2015. godine posjetili firmu Metal Construction & Engineering d.o.o. Usora gdje su razgovarali sa vlasnikom g. Velidom Muharemovićem, direktorom g. Zaimom Mevićem i sa strateškim partnerom iz Italije g. Angelom Cafanom. Na sastanku se razgovaralo o poslovnom okruženju u BiH, o preprekama i problemima sa kojima se firma suočava tokom poslovanja kao i o budućim planovima.

Metal Construction & Engineering doo predstavlja zajedničko ulaganje domaćih i inostranih - italijanskih investitora. Firmi se bavi proizvodnjom komponenti i dijelova za regalna skladišta i kao i proizvodnjom cjelokupnih regala i regalnih skladišta. Egzistira u BiH od 2013. godine, zapošljava 30 radnika i izvozno je orjentirana.

Strateški partner kompanije g. Angelo Cafano ( Ferretto Group Spa ) iz Italije ima pozitivno mišljenje o BiH i njenim zakonima, zadovoljan je poslovanjem kao i saradnjom koju ima sa lokalnom vlasti.



## PREZENTACIJA NACRTA UNCTAD-OVOG DOKUMENTA “ANALIZA PRAVNOG I INSTITUCIONALNOG OKVIRA ZA INVESTIRANJE U BOSNI I HERCEGOVINI”



25. marta 2015. godine u Sarajevu održana je prezentacija nacrtu dokumenta UNCTAD-a “Analiza pravnog i institucionalnog okvira za investiranje u Bosni i Hercegovini”, u suradnji sa Agencijom za promociju stranih investicija BiH (FIPA).

Na prezentaciji se govorilo između ostalog o preprekama u poslovnom okruženju BiH, potrebi usklađivanja lokalnih mjera sa standardima EU, te su date preporuke kako smanjiti kompleksnost regulatornog okvira u BiH.

Ovom prilikom su govorili Jelica Grujić, direktor Agencije za unapređenje stranih investicija u Bosni i Hercegovini (FIPA), Dragiša Mekić, pomoćnik ministra Ministarstva vanjske trgovine i ekonomskih odnosa Bosne i Hercegovine, Yuri Afanasiev, predstavnik UNDP-a u BiH, Chantal Dupasquier, šefica Projekta za analizu investicionog i pravnog programa u UNCTAD-u, Massimo Meloni, projekt menadžer u UNCTAD-u, i Trevor Killenk, konsultant za promociju investicija u UNCTAD-u.

Prezentacija je okupila veliki broj nadležnih institucija u BiH, predstavnika međunarodnih organizacija i akreditiranih ambasada.

# POSLOVNE VIJESTI ≡



PREVENT GRUPACIJA PREUZELA CIMOS U SREBRENICI



PREDSJEDNIŠTVO BIH POKROVITELJ  
SARAJEVO BUSINESS FORUMA 2015



...I JOŠ FIPA POSLOVNIH VIJESTI...



## PREVENT GRUPACIJA PREUZELA CIMOS U SREBRENICI

Prevent grupacija zvanično je preuzela Cimos u Srebrenicij 6. marta 2015. godine. Tvornica Cimos u Srebrenici čija je osnovna djelatnost proizvodnja autodijelova posluje od 2005. godine, a poslovni procesi ove kompanije uključuju tehnologije zavarivanja, mehaničke obrade i štancanja.

Ovom investicijom osiguran je nastavak proizvodnih aktivnosti u Srebrenici te zadržana radna mjesta za najmanje 101 uposlenika. "Prodaja tvornice u Srebrenici spada u proces operativnog restrukturiranja Cimosa, koji donosi promjene i poboljšanje strukture preduzeća, njegovih internih procesa sa ciljem postavljanja temelja dugoročno održivog poslovanja i ponovnog rasta grupe Cimos, koja će inače i ubuduće biti prisutna na području Bosne i Hercegovine", izjavio je direktor regije u BiH Goran Dimc te dodao kako prodaja fabrike Prevent grupaciji pruža mogućnost za dalji privredni oporavak ovog okruženja. Ovom investicijom Prevent grupacija će u narednom periodu ojačati konkurentnost u Srebrenici.

"Nastavljamo sa investicijama koja dugoročno osnažuju privredni razvoj i konkurentnost Bosne i Hercegovine. Preuzimanjem ove Tvornice, proširiti ćemo proizvodni asortiman, diversificirati strukturu kupaca i proizvoda te dalje ojačati prisustvo u Srebrenici", istakao je Almir Jazvin, Predsjednik Uprave Prevent BH tokom potpisivanja ugovora i izrazio dobrodošlicu za 101 novog uposlenika koji će se pridružiti Prevent grupaciji u BiH.

Prevent grupacija u BiH je motor razvoja bh. privrede i djeluje na deset proizvodnih lokacija. U Srebrenici, Prevent već proizvodi presvlake za ručne kočnice i zapošljava preko 80 uposlenika. Preuzimanjem kompanije Cimos u Srebrenici, Prevent će nastaviti proizvodnju djelova za automobilsku industriju te sinergijom proizvodno prodajnog asortimana dodatno podržati oporavak privrede u ovoj regiji.





## PREDSJEDNIŠTVO BIH POKROVITELJ SARAJEVO BUSINESS FORUMA 2015



Predsjedništvo BiH na čelu s predsjedavajućim Mladenom Ivanićem pokrovitelj je ovogodišnjeg Sarajevo Business Foruma (SBF) koji se 13. i 14. maja održava u glavnom gradu BiH. Organizator konferencije, koja se već šestu godinu zaredom održava u BiH, je BBI banka u saradnji sa Islamskom razvojnom bankom (IDB).

Konferencija se održava pod motom "One Region, One Economy" i okupit će najznačajnije poslovne i političke lidere iz regiona i svijeta.

Naziv konferencije pokazuje jasnu opredjeljenost BBI razvoju ne samo BiH već i cjelokupnog regiona jugoistočne Europe. Posebna pažnja bit će posvećena mogućnostima razvoja poduzetništva s fokusom na IT industriju, razvijanju regiona kao centra organske hrane za Europu, te pozicioniranju regiona kao edukativnog centra. Jedan od najvažnijih ciljeva konferencije je uvezivanje i predstavljanje prirodnih i ljudskih resursa regiona te otvaranje vrata regionalnim kompanijama za izlazak na tržišta zemalja Istoka i sjeverne Afrike gdje već postoji tradicija dobrih poslovnih odnosa. Iz godine u godinu Sarajevo Business Forum okuplja više od 1.000 učesnika i ima punu medijsku pokrivenost, kako lokalnu, tako i internacionalnu.



## INVESTICIONI SAMIT CENTRALNA I JUGOISTOČNA EUROPA 2015

U organizaciji BIBCA-e ( Budapest Investment Business Center Association) i EuCam-a (Evropskom komorom) 16. i 17. aprila 2015. godine u Budimpešti, Mađarska, održaće se Investicioni samit Centralna i Jugoistočna Europa 2015. Cilj Samita je povezati poslovne subjekte i investitore širom svijeta sa agencijama za promociju stranih investicija i donosiocima ekonomskih odluka Centralne i Jugoistočne Europe.

Govornici, među kojima će biti nekadašnji potpredsjednik Komisije Evropske unije g-din. Günter Verheugen, nekadašnji predsjednik Mađarske dr. Peter Medgyessy i korespondent Economist-a g-din. Adam LeBor, podijeliće sa gostima svoje viđenje političke i ekonomske situacije u ovom regionu.

Predstojeći Samit pružiće učesnicima uvid u najnoviju investicijsku klimu i generalne trendove ekonomskog razvoja regiona obzirom da će ovdje prisustvovati vrhunski korporacijski rukovodioci širom Europe. Samit predstavlja mogućnost za preuređenje mreže u čijem je sastavu više od 400 partnera iz privatnog, javnog i nevladinog sektora. Tokom predviđenih B2B sastanaka prisutni će imati priliku diskutirati o budućem razvoju i unapređenju ekonomije, te međusobno podijeliti iskustva.

Navedeni događaj će biti na engleskom jeziku, kotizacija iznosi 254 eura po učesniku (uključujući PDV) uz 10% popusta za dva ili više učesnika iz iste organizacije/institucije/kompanije.

Više detalja o događaju možete pogledati na web stranici [bibca.net/en/events](http://bibca.net/en/events), dok se zainteresirani mogu registrirati na [goo.gl/TbKR2y](http://goo.gl/TbKR2y).



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Rade Bitange 30  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
ure Daničića 1/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

A map of Europe with white outlines of countries on a blue background. The country of Bosnia and Herzegovina is highlighted with a yellow-to-blue gradient and white stars, matching its national flag. The text is centered over the map.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)